

# Jém carta jém ijáyayñewiip Pablo jém ityajwiip jém attebet Efeso

Jém Pablo ijáyáypa Dios  
ipixiñtam jém attebet Efeso

**1** Ich aPablo. Jém tánQmi  
Jesucristo accám juuts  
tüm apóstol porque asám  
iwianjam Dios. Siip manjáyáypa  
mimichtam, Dios mipixiñtam, jém  
miifñanwiip jém attebet Efeso  
jém inçupicnetanwiip Jesucristo.  
<sup>2</sup>Miwíwadáyíñ jém tanJatuñ  
Dios y jém tánQmi Jesucristo.  
Michiifámiñ jém paz iga dá ti idíyíy  
iñanamanjom.

**Chiifá wibic bendición  
jém Cristo ipixiñtam**

<sup>3</sup>Tañcujíptámpa Dios, jém  
tánQmi Jesucristo iJatuñ, porque  
tsam tawíwadáyíñ, tachiifne jém  
siñyucmipic bendición jém dápic  
tánixpa. Tawadayíñ así porque  
tamiichi jém tánQmi Cristo. <sup>4</sup>Dios  
tacupij tsam wiñigam cuando  
đanam iwatne yíp mundo iga  
tamiichap jém tánQmi Cristo, iga  
tatsíyífámiñ juuts tüm wibic pñixíñ  
dápic táncaíy Dios iwiñjom. <sup>5</sup>Como  
tsam tatoypa Dios, dende wiñigam  
tacupij iga tamanigap jém tánQmi  
Jesucristo icuyucmi. Tawadáy

así porque jempam iwianjam.  
<sup>6</sup>Jeeyucmi tañcujíptámpa Dios  
porque tsam tóyóypa y tsam  
tawíwadáyáypa. Tawadáy así porque  
tamiichi jém tánQmi Cristo, jém  
tsampic itoypa Dios. <sup>7</sup>Yíptim  
Cristo tayojoyá tantánca cuando  
itegáy iñiipiñ. Tawadáy perdón jém  
tantánca porque Dios tsam tóyóypa,  
tsam tawíwadáyáypa. <sup>8</sup>Quejpa iga  
Dios tsam pimi tatoypa porque  
tachi itumpiy jém wibic jixi iga  
tañcutiyyíyíñ ti tanquejáypa Dios.  
<sup>9</sup>Tañjodóna ti iwattooba, jém jixi  
jém añécnewiip dende wiñigam.  
Iyaac ijsne idic iga iwatpa juuts  
je iwianjam. <sup>10</sup>Cupacpa iwat juuts  
iwianjam Dios cuando núcpa jém  
iñanpigam jama. Dios ijs iga  
icijjuñcotpa itumpiy cosa jém Cristo  
icijjom iga injacpa jém ityajwiip  
siñyucmi y jém ityajwiip naxyucmi.  
<sup>11</sup>Jém Cristo tamiichi, porque  
Dios tacupijneum dende wiñigam  
iga tampiçtsónjiñ títam tachiiba  
Dios juuts ijsne idic. Porque  
siempre iwatpa Dios juuts je  
iwianjam. <sup>12</sup>Iwianjam iga  
aichtam atsíyífámiñ jém wiñtipic  
iga ananjóçtámpa jém Cristo  
iga añcujíptámpa porque tsam

iniif ipimi. <sup>13</sup>Ocmi, mimichfam, mimichatafim jem Cristo cuando immatoŋ jem numapic aŋmafi iga Dios taciaputpa. Cuando moj iŋcupicta jem Cristo, michiifa jem Dios iAnama iŋanamanjom juuts tum sello iga quejiñ iga Dios mimichi, juuts tajycamayne. <sup>14</sup>Tachiiñe Dios iAnama iga tacjodŋap iga numa tampictsonpa títam tajycamayne Dios. Tampictsonpa cuando capsum taciaput tantumpiyfam jem Diospic tamiichifam. Jesic taŋcujiptampa tanJatuŋ Dios iga agui wiap.

**Jém Pablo iwágáypa Dios  
iga ichiñ jem wibic jixi jem  
icupicneyajwiip tánQmi**

<sup>15</sup>Jeeyucmi cuando ammatoŋ iga tsam iŋcupicpa tánQmi Jesús y iga tsam iñtoypa itumpiy jem Dios ipixiñtam, <sup>16</sup>da antsacpa iga anchiiba gracia Dios para mimichfam. Siempre manjispa cuando aŋwatpa oración.

<sup>17</sup>Aŋwágáypa jem tanJatuŋ Dios, jem tsampic wiap, jem tánQmi Jesucristo iDiosfim, iga michiñ jem wibic jixi iŋanamanjom iga más iŋwicutiŋyfiñ títam miñquejáypa y iga más iŋwiixpiguñ jem tanJatuŋ Dios. <sup>18</sup>Aŋwagáypaŋim Dios iga miyicquejiñ iŋanamanjom iga más iŋcutiŋyfiñ tiiga micupiy y iga iñjodŋatámiñ ti herencia ipictsonyajpa jem Dios ipixiñtam jem tsam wibic riqueza.

<sup>19</sup>Miñquejáypaŋim iga tsam wiap tanJatuŋ Dios. Da cuyajpa ipimi, wiap tayoxpát jem taŋcupicnewiip jem Cristo. Dios tañquejáy iga

tsam pimi wiap <sup>20</sup>cuando icpis jem tánQmi Jesucristo de juí if jem caaneyajwiip, iccoñ jem Dios iŋwimi siŋyucmi. <sup>21</sup>Iccám iga aŋjagooyi iga iŋjacpa itumpiy jem aŋjagooyiyay y jem tsampic wiap, jem itwiip yif naxyucmi y jem itwiip siŋyucmi. Jém siŋpic if y jem miñpáppic ocmi. <sup>22</sup>Tsacta itumpiy cosa jem tánQmi Cristo ipuyciim iga iŋjacpa. Accámta iga aŋjagooyi iga iŋjacpaŋim itumpiy jem Dios ipixiñtam. Tsý iga cobapic. <sup>23</sup>Y jem Dios ipixiñtam tsý iga Cristo imijtay, icomne icumij con itumpiy jem wibic cosa.

**Dios taciaputpa porque  
tsam tatoypa**

**2** Mimichfam michýñe idic juuts tum pixiñ caanewiip porque tsam immalwatne, tsam miñáŋcaŋy. <sup>2</sup>Tsam idic immalwatpa cuando danam iŋcupicne Cristo. Tsam idic immalwatpa juuts iwatyajpa jem malopic pixiñtam jem ityajwiip yif naxyucmi. Tsam idic iŋwatpa juuts iwianjam jem Wocciwiñ, jem mal espíritu iŋjagooyi, jem siŋpáppic sauyucmi. Jeetim mal espíritu if jem pixiñtam ianamanjom jem dápic icupicpa Dios. Agui icmalwatpa. <sup>3</sup>Taichfam tajexim idic. Tantumpiyfam tsam tammalwatpa idic juuts nimpa jem malopic jixi tánanamanjom y tanjixianjom. Jeeyucmi tampictsonpa idic jem Dios icastigo juuts jem tuŋgac pixiñtam. <sup>4</sup>Pero tanJatuŋ Dios tsam pimi tayaachanjampa. Tsam pimi tatoypa. <sup>5</sup>Aunque tatsýñe idic juuts tacaane porque tsam

tatáncaíy, Dios tachi jém vida porque acpista jém Cristo. Tsam tóyóyapa Dios jeeyucmi michám miciaacputtamta. <sup>6</sup>Tawagaacpis Dios con Cristo, siip tanwaganacoñ Cristo siñyucmi. <sup>7</sup>Iwat jempic iga tanquejáyapa itumpiy tiempo, jém miñpaap, iga tsam tóyóyapa Dios y tsam tayoxpáttooba porque tanwaganaij jém Jesucristo. <sup>8</sup>Dios tsam tayaachanjampa, jeeyucmi miciaacputta porque inçupicne iga Dios wiap miyoxpát. Da iñyaac miniciaacputta, pero Dios michi tum xaja. <sup>9</sup>Da i wiap iwíwat iga naciaacputtap iyaac, iga da i wiap inicuájpta iyaac. <sup>10</sup>Taichám Dios tawati. Tacjoomaset cuando moj tançupic Jesucristo iga tanwattámiñ jém wítampic cosa juuts je ixunpa. Dende wiñigam ijjis Dios iga tanwíwattámiñ.

#### Tatsíyá juuts tumí attebet

<sup>11</sup>Jístaami iga mimichám migentiles, da je mijudíos. Da iniífa jém marca de circuncisión immijtayucmi juuts jeeyaj. Y jém marcajiywiip miccámáy iññiyi: “Jém tungac mipixiñtam jém dapic mimarcájíy.” <sup>12</sup>Jístaami iga wiñic mimichám da idic miifá con Cristo. Miif inçutum. Da inií derecho iga inwaganaijpa jém Israelpic pixiñtam. Tungac mipixiñtam. Da idic inixpicpa jém wiñicpic trato juuts ijycámayñe Dios jém Israelpic pixiñtam. Da idic injodonj iga Dios miwíwadáyapa. Inçutum idic michíyñe yíp naxyucmi, miifá idic sin Dios. <sup>13</sup>Siip inwaganaij tum Cristo. Mimichám michíyñe idic

juumi, pero siip wiap inçunúcta nocojom porque jém Cristo ifegáy inñipiñ. <sup>14</sup>Siip Cristo iccuyaj jém pleito entre jém Israelpic pixiñtam y jém tungac pixiñtam iga tsíyyaj juuts tumí attebet. If idic juuts tum taañi entre jém Israelpic pixiñtam y jém tungac pixiñtam, pero Cristo imiswat jém taañi. <sup>15</sup>Cuando cunúnta cunusyucmi, iccuyaj jém wiñicpic anquímayooyi, jém tsampic ipimíyapa idic jém pixiñtam. Iwat jempic iga tatsíyámiñ juuts tumí tapixiñ porque Cristo tamiichítam. Siip tatumítam, cuyajneum jém pleito. <sup>16</sup>Accaata cunusyucmi jém Cristo iga tatsíyámiñ amigo con Dios porque tançuistictam tatsíyá tumí mijtay. Asíam iccuyaj jém pleito. <sup>17</sup>Jém Cristo miñ inçmat yíp naxyucmi jém wibic anmaí. Nimpa iga wiap tantsíyá amigo con Dios. Miñ miñmadáy mimichám jém miitwiip juumi. Inçmadáytim jém Israelpic pixiñtam jém itwiip nocojom. <sup>18</sup>Jém Cristo icuyucmi tantumpiytam wiap tançunúcta tanJatunj Dios. Tawiatámpa porque jeeim Dios iAnama tayoxpátpa. <sup>19</sup>Jeeyucmi mimichám dam je juumipic mipixiñtam, jém siipáppic idic tungac naxyucmi. Pero siip inwaganaij jém Dios ipixiñtam. Mimichám Dios mimanictam. <sup>20</sup>Mimichám mijex juuts tum tic jém watnetawiiip jém baseyucmi. Jém Jesucristo mismo je jém wiñtipic tsa, jém esquinajiywiip juí pñmane jém tic. Jém wiñicpic anmaíciwiñ y jém apóstolyaj jex juuts jém tsaayaj jém picnetawiiip para jém base juí tsucumpa jém

mastic. <sup>21</sup>Tsajcámta ífumpiy jém icupicneyajwiip Cristo juť piimane jém tic. Tsam jáyanap jém Dios ipixiñtam hasta cupacpa jém wibic mastic juť íf Dios. <sup>22</sup>Jesic taichfam como Cristo tamiichifam, tacumuntsajnetá iga tanwattámpa tum mijpic tic juť ípa jém Dios iAnama.

**Cutsatá jém Pablo iga inmadáypa jém dápic je de Israel**

**3** Jeeyucmi ich aPablo apajnetá porque manañmadáy jém Jesucristo inqúimayoooyi mimichfam jém tungac mipixiñtam. <sup>2</sup>Wi iga inñodóñaiñ iga Dios achi jém yoxacuy y ayoxpát iga manañmadáypa iga Dios tsam miwíwadaytooba. <sup>3</sup>Anquejáy Dios jém jixi, jém añécnewiip, juuts wiñti manjáyayñe. <sup>4</sup>Cuando immaypa jém toto, wiap inçutiíyíy iga jém Cristo anquejáy jém jixi, jém añécnewiip ídic. <sup>5</sup>Dios dá inquejáy yíp jixi jém wiñicpic pixiñtam. Pero siip Dios iAnama inquejáy jém apóstolyaj, jém cuáyñewiip, y jém Dios inmatciwiñ <sup>6</sup>iga jém dápic je de Israel ipictsonpaátim jeetím herencia juuts jém Israelpic pixiñtam. Siip jém tungac pixiñtam tsíyyaj juuts tumtí mjtay con jém Israelpic pixiñtam. Ipictsonyajpaátim títam ijycámayñe Dios jém imanictam, jém icupicneyajwiip Jesucristo por medio de jém wibic añmaí.

<sup>7</sup>Dios acupiñ iga ançuyoxap yíp wibic añmaí. Achi yíp yoxacuy juuts tum xaja porque tsam iniíť ipimi, je tsam wiap. <sup>8</sup>Ich más da awiap que ífumpiy jém Dios

ipixiñtam, pero Dios ayoxpát, achi jém derecho iga anañmadáypa jém tungac pixiñtam jém tsam wibic riqueza de Cristo jém dápic wiap tammay. <sup>9</sup>Achiíťim jém derecho iga anacjodóñap ífumpiy jém pixiñtam tí iwattooba Dios. Anañquejáypa jém jixi jém dápic i wiap icutiíyíy, dende wiñigam inñécne ídic Dios, jém iwatnewiip ífumpiy cosa. <sup>10</sup>Dios ixunpa iga siip por medio de jém icupicnewiip Cristo icjodóñap jém sinçuyucmicpic pixiñtam, jém inçayajpáppic sinçuyucmi, ífumpiy jém wibic jixi jém iniíťwiip tanJatuy Dios. <sup>11</sup>Dios iwat juuts ijis dende wiñigam cuando icutsat tánQmi Jesucristo yíp naxyucmi. <sup>12</sup>Cristo tamiichi, jeeyucmi dá taciñpa, tanjodoy iga wiap tançunúc Dios sin çinçi porque tançupicne. <sup>13</sup>Jeeyucmi mançunucsáypa iga odoy añyaaci iga agui ayaachwattá mimichfam inçuyucmi. Annascaaba así iga Dios miwíwadayíñ.

**Cristo iniíť jém wibic tóyooyi**

<sup>14</sup>Jeeyucmi acosteñpa jém tánQmi Jesucristo iJatuy iwiñjom. <sup>15</sup>Ífumpiy jém ityajwiip sinçuyucmi y jém ityajwiip yíp naxyucmi ipictsonayyajpa inñiyi iga iJatunťim. <sup>16</sup>Anwágáypa Dios iga con jém wibic riqueza michiíťamiñ jém ipimi inñanamanjom iga más miwiap por medio de jém iAnama <sup>17</sup>iga iniíťtamiñ tánQmi Cristo inñanamanjom porque inçupicpa iga Dios wiap. Jesic dá inñacpa jém wibic tóyooyi. Mijex juuts tum cuy tsam jojmi tichigfy. Mijex juuts tum tic tsam wíwatne. <sup>18</sup>Jesic

wiꝑ iꝋcutiiyiꝑta con iꝑumpiy jém Dios ipixiñtam iga jém Cristo ifóyooyi da cuyajpa, tsam wíꝑi, tsam yagats, tsam jojmi y tsam yucmi. <sup>19</sup>Aꝋwágáypatim Dios iga micjodóꝋaiñ jém Cristo ifóyooyi, mex da nunca capsapa tanjodóꝋa. Aꝋwágáypatim Dios iga iniifámiñ iꝑumpiy jém wítampic cosa jém tachiñewiꝑ Dios.

<sup>20</sup>Siꝑ tanꝑujíꝑtámpa tanJatuꝋ Dios jém wiꝑaap iwat iꝑumpiy jém wítampic cosa para taichám. Tayoxpátpa con ipimi tánanamaꝋjom. Más pimi tawiwadáypa Dios que juuts tanwágáypa o juuts tanjísapa. <sup>21</sup>Taichám Dios tamástic. Taichám Jesucristo tamiichi. Wi iga tanꝑujíꝑtámpa tanJatuꝋ Dios iꝑumpiy tiempo, da nunca cuyajpa tanꝑujíꝑ. Amén.

#### Dios iꝑnana tayoxpátpa iga tanaiífamiñ tumtí tanjixi

**4** Ich aPablo apajta cárcel jém tánQmi Jesucristo icuyucmi. Jístaami iga Dios micupiy iga michíyítamiñ juuts Dios mimanictam. Jeeyucmi maꝋcunucsáypa iga siempre iꝋwíwattamiñ juuts ixunpa Dios. <sup>2</sup>Siempre wattaami juuts tum wibic pxiñ, dápic malo, tsam wí iꝑnana. Wínanigaayi jém iñíwítam, nayaachanjamtamtaji con jém wibic tóyooyi. <sup>3</sup>Wadaytaami caso iga iniifámiñ tumtí jixi con jém tantíwítam porque Dios iꝑnana tayoxpátpa. Odoy tánatámiñ porque tatumtífam. <sup>4</sup>Tumtí mijtꝑ jém Dios ipixiñtam. Tumtí Dios iꝑnana tanaiífa. Dios tanwejáy

iga tanwagaꝋnjócpa tumtí cosa. <sup>5</sup>Tumtí tánQmi, tumtí jém aꝋꝋuímayooyi jém tanꝑucipcaap, tumtí jém acchíꝋooyi. <sup>6</sup>Tumtí tanDios, tantumpiyfam tanJatuꝋ. Imatspacne iꝑumpiy cosa. Juꝑ quej íf Dios. Tanwaganaiífa Dios tantumpiyfam.

<sup>7</sup>Pero cada tumtum de taichám tachiñeta jém Dios ipimi iga wiꝑ tanwat jém iyoxacuy, Cristo taquípsáy juuts je ixunpa. <sup>8</sup>Jeeyucmi nimpá así jém Dios iꝋmatí:

Quando quím eybic siꝋyucmi jém Cristo, ininic jém pajnetawiꝑ idic. Ichi jém pxiñtam tsam jáyan wítampic xaja.

<sup>9</sup>¿Tí nimtooba iga: “Quím eybic siꝋyucmi”? Nimtooba iga quet hasta más jojmi nasciim. <sup>10</sup>Jém quetwiꝑ nasciim, jeetim jém químwíꝑ siꝋyucmi juꝑ más yucmi iga ípa juꝑ quej con jém ipimi. <sup>11</sup>Je mismo iccám algunos iga apóstol, tungac iga iꝋmatpa Dios iꝋmatí, tungac iga iꝋmadáypa jém pxiñtam jutsꝑ iciacput Dios, tungac iccám iga pastor iga iwatpa cuenta jém Dios ipixiñtam, tungac iccám iga maestro iga iꝋquejáypa Dios iꝋmatí jém pxiñtam. <sup>12</sup>Accámyajta iga iyoxpátpa jém Dios ipixiñtam iga más wiꝑ iwatyaj jém Dios iyoxacuy y iga capsapa icuyujca jém Dios iꝋmatí jém ipixiñtam, jém tsíyñeyajwiꝑ juuts Cristo imijtꝑ. <sup>13</sup>Hasta que tantumpiyfam tanꝑucictámiñ con tumtí tanjixi, hasta parejo tanwíꝑxipiguiñ jém Dios iꝑmanic. Jempigam tatsíypa juuts tatsamífam, iga wiꝑ tanwat

itumpiy juuts ixunpa Cristo. <sup>14</sup> Dam tanwatpa juuts jem tsixfam porque da tanca imigoyayta jeejay jex juuts jem sawa iga nicpa yim jeejic, porque icupicpa tungac anquimayooyi. Jem malopic anmafciwiñ agui jayayanjichich, wiip tamigoyay iga tacmalwatpa. <sup>15</sup> Pero taichfam tanañmatpa jem numapic anquimayooyi con jem wibic toyooyi. Wi iga tamijap hasta tanactsiypa jem tammijtay icobac, jem tanOmi Cristo. <sup>16</sup> Taichfam jex juuts Cristo imijtay. Cada tumtum tapiimane jem Cristo imijtayyucmi. Jeeyucmi tanwatpa juuts ixunpa Cristo, cuando tawiyoxatampa, tajayanap, hasta capspa tançuyujca jem Cristo inquimayooyi porque tanaif jem wibic toyooyi.

**Jem jomipic vida jem tachiinewiip Cristo**

<sup>17</sup> Siip mannimaypa y mananquimpa tanOmi iniyimi iga odom wattaami juuts jem tungac pixiñtam jem dapic iixpicpa Dios. Jem ijixi da para ti wi, da iyoxpátpa. <sup>18</sup> Cupiichane jem ijixi, da icutiipyta ti ixunpa Dios. Da iniijay jem vida jem Diospic tachiiba porque da icutiipyta, agui malo jem iqnama. <sup>19</sup> Da tsaap iga imalwatpa. Agui iwianjam iga iwatpa mal, tsam jixifogoyñeyaj. Agui icusúnypa iga iwatpa itumpiy jem da witampic cosa. <sup>20</sup> Pero mimichfam da inçuyujcaneta jem Cristo iga inwattampa jempic, <sup>21</sup> siiga numa immatorne jem Cristo inquimayooyi y inçuyujcane jem numapic anmáti jem tanquejayñewiip Jesús.

<sup>22</sup> Mimichfam tsaci juuts jay inwat wiñic cuando danam inçupicne Cristo. Tsaci jem pecapic mijtay. Tsam pimi malo jem wiñicpic jixi, miccusúnypa jem malopic cosa agui mimigoyaypa. <sup>23</sup> Cucactaami jem injixi jem itwiip inanamajom. <sup>24</sup> Wati juuts tum jomipic mipixiñ, jem iwatnewiip juuts Dios, jem iwıwatpáppic, jem dapic tançay.

<sup>25</sup> Jeeyucmi odoy migoyayyi jem inñiwitam, nuumanmadaayi. Porque tumti mijtayyucmi tapiimane.

<sup>26</sup> Siiga mijoypa, odoy tançawati. Odoy jici iga mijoyñeeba hasta tigiyta jem jama. <sup>27</sup> Odoy chi lugar jem Wocciwiñ iga micmalwatpa.

<sup>28</sup> Jem númpaap idic ichaguiñ iga númpa, más wi iga yoxaiñ. Iwadiñ tum wibic yoxacuy con ici iga wiap iyoxpát jem yaachayajpáppic.

<sup>29</sup> Odoy malañmati. Anmati jem witampic anmáti iga inyoxpátpa y inwıwadáyta jem mimatornepa. <sup>30</sup> Odoy tsiganayácwati jem Dios inama, jem taccamayñetawıip juuts tum sello, iga quejiñ iga Dios tamichi hasta núcpa jem jama cuando taciaputtampa.

<sup>31</sup> Tsaci jem jixi aguipic tam. Tsaci itumpiy jem jooya. Odoy joyixi jem inñiwitam. Tsaci iga agui mijiyta iga mijoyñe. Odoy malnimaayi jem inñiwitam, tsaci itumpiy jem malopic cosa. <sup>32</sup> Pero nawıwadaytamtaji entre mimichfam. Nayaachanjamtamtaji con jem inñiwitam. Nawadaytamtaji perdón juuts jem tanJatun Dios tawadáy perdón por medio de Cristo.

**Wi iga iwıwatyajpa jem Dios imanictam**

**5** Mimichfam Dios mimanictam jem tsampic mifoypa. Jesic

wadaayi caso iga inwattámpa juuts iwatpa je. <sup>2</sup>Naiífaami jém wibic tóyooyi juutsím tatoypa jém Cristo. Iyaac nachiiífa iga accaata por taichfam, juuts tum ofrenda, tum sacrificio jém aguiptic cínpa jém Dios iwiñjom.

<sup>3</sup>Mimichfam wattaami juuts Dios mimichifam. Da ammatonjtooba iga mipejóypa, ni inwatpa tungac malopic cosa, ni inçusúnfypa jém inñiwitam imiichi. Da wi iga iwatyajpa jempic jém Dios ipixiñtam, jém cuáyñeyajwiip.

<sup>4</sup>Odoymimtaami jém malopic aḡmatí, jém tsampic tatsaap. Odoym aḡmatí juuts tum pxiñ dápíic jixiíy. Odoym mal ochmichi. Yípyaj da iwínanigáypa jém wibic aḡmatí. Más wi iga tammétspa jém wibic aḡmatí iga tanchiiba gracia Dios.

<sup>5</sup>Michfam injodontam iga jém pxiñtam jém pejoypaap, y jém iwatpáppic tungac cosa dápíic wi, y jém tsampic icusúnfypa jém dápíic je imiichi, jextim juuts ijíspa jém watnas, jeeyaj da wiap inñuc jut injacpa tánQmi Cristo y tanJatun Dios. <sup>6</sup>Odoym jiiici iga i mimigóyáypa con jém migooyi iga da malo iga immalwatpa. Jeeyucmi ichiiba Dios castigo itumpiy jém pxiñtam jém dápíic icupicyajpa Dios. <sup>7</sup>Jeeyucmi odoym waganasií jexpic pxiñtam.

<sup>8</sup>Mimichfam miííta idic jém piichciim, pero siip miííum jém juctiantsoajom porque inwaganaií Cristo. Jesic wíwattaami juuts jém wírpáppic jém juctiantsoajom.

<sup>9</sup>Jém Dios iAnama micwíwatpa iga inwatpa juuts tum wibic pxiñ iga siempre miñuumaḡmatpa.

<sup>10</sup>Wattaami empeño iga

inwattámpa íi ixunpa tánQmi.

<sup>11</sup>Odoym waganasií jém malopic pxiñtam jém siipáppic piichciim, jém iwatpáppic jém malopic cosa jém dápíic tayoxpátpa, pero aḡjiyjaci. <sup>12</sup>Agui tatsaap tanaḡmat íi iyamwatyajpa jeeyaj. <sup>13</sup>Pero cuando icuyicquejpa itumpiy jém malopic cosa, tsam wi quejpa porque jém jucti icuyicquejpa itumpiy cosa. <sup>14</sup>Jeeyucmi niḡmyajpa: Yusi, mimonpáppic. Tsucumi de jut it jém caaneyajwiip, Cristo micuyicquejpa.

<sup>15</sup>Nawattaji cuenta iga inwíwatpa. Odoym wattaami juuts jém pxiñtam jém dápíic jixiíy. Wattaami juuts jém jixiíywiip. <sup>16</sup>Wattaami empeño iga inwíwattámpa siip iganam it tiempo porque siip tsam imalwatyajpa jém pxiñtam. <sup>17</sup>Odoym cuixaji, pero wadaayi caso iga inçutiíyíyíñ íi ixunpa jém tánQmi.

<sup>18</sup>Odoym uquiataami porque jém pxiñ, jém tsampic ucpa, togoypa ivida. Más wi iga minjacpa jém Dios iAnama. <sup>19</sup>Nanmadaytamtaji con jém inñiwitam con jém Salmos y jém himnos y jém Dios iwañi. Wantaami, cujíptaami jém tánQmi Cristo con itumpiy inñanama.

<sup>20</sup>Siempre chiítaami gracia jém tanJatun Dios para itumpiy cosa jém tánQmi Jesucristo inñiyimi.

### Wi iga taḡwíwadáypa jém íyajwiip tanticciim

<sup>21</sup>Cada tumtum de mimichfam nacupictamtaji con jém inñiwitam porque inçintámpa tánQmi Cristo.

<sup>22</sup>Miyomtam, mijaayíywiip, jiiici iga minjacpa jém inwídaya juuts



jém tánQmi minjacpa. <sup>23</sup>Porque jém pìxiñ je jém cobacpic, injacpa iyomo. Jextim juuts Cristo, je jém cobacpic, injacpatim jém iglesia, je jém imijtay y je jém iciacputpáppic. <sup>24</sup>Juuts jém Cristo ipixiñtam ijícpa iga injacpa jém Cristo, jesanefim jém yomo ijícpa iga injacpa jém iwídaya. Iwatpa ítumpiy juuts inímáypa jém iwídaya.

<sup>25</sup>Mipixiñtam, miyoomiywiip, toyi jém inyomo juuts jém tánQmi Cristo itoypa jém ipixiñtam jém icupicneyajwiip. Iyaac nachiiía <sup>26</sup>iga iwítsagáypa jém ipixiñtam itánca. Icujuháyáypa ianama, icheeba con ni por medio de jém inmaí. <sup>27</sup>Iwat así iga jém ipixiñtam, jém icupicneyajwiip, wiap iníc Cristo iwiñjom tsam wicuyajneyaj. Jex juuts tum puctucu wi cuáyñe, dá águchñe, dá inij ni tum mancha. Ixunpa Dios iga dá táncaíy ni uxaj jém ipixiñtam iga wi cujichayñe.

<sup>28</sup>Jempicím ixunpa Dios iga tum pìxiñ itoypa iyomo juuts itoypa imijtay. Jém itoypaap iyomo, natoytáp iyaac. <sup>29</sup>Porque dá i wiap ijóyix imijtay, iwíidap, iwatpa cuenta. Jém Cristo jempicím iwatpa cuenta jém ipixiñtam, iwíidap jém icupicneyajwiip, jém iglesia, jém imihipic. <sup>30</sup>Taichám tatsíyfa juuts jém Cristo imijtay, juuts jém imayi y jém ipac.

<sup>31</sup>“Jeeyucmi tum pìxiñ ichacpa ijatun y iapa iga nicpa iwaganaf jém iyomo. Jesic icuistic tsíyyajpa juuts tumí mijtay.” <sup>32</sup>Yíp tum mijpic jixi, aqnécne idic. Pero ich anjísapa iga nimtooba iga Cristo con jém ipixiñtam tumíyay. <sup>33</sup>Jeeyucmi mannímáypa: Cada tumtum de

mimichám wi iga inítoyiñ jém inyomo juuts minitoytáp inyaac. Jém yomtam, jém jaayiywiip, wi iga iniiáyiñ respeto jém iwídaya.

**6** Michixfam, como Cristo mimichiám, cupictaami jém injatun y inápa. Jempam iwianjam Dios. <sup>2</sup>Naídaayi respeto jém injatun y inápa. <sup>3</sup>Yíp jém wiñtipic aqúimayooyi jém tachiñewiip con promesa iga miwíidíñ y yagatsap imvida yíp naxyucmi siiga inwatpa así.

<sup>4</sup>Mimichám mijatunpic, odoy tsicjooyi jém immanictam. Wiactsami jém immanictam iga icupicyajiñ jém tánQmi inqúimayooyi. Anquejaayi iga iwatyajiñ juuts ixunpa Dios.

<sup>5</sup>Miesclavotam, cupictaami jém inómi yíp naxyucmi. Wiixtaami, cñtaami, cuyoxataami con ítumpiy inánama juuts inquyoxatámpa jém tánQmi Cristo. <sup>6</sup>Cuyoxataami inómi juuts Cristo miesclavotam, dá no más iga miwíixiñ jeeyaj. Wattaami con ítumpiy inánama juuts ixunpa Dios. <sup>7</sup>Wiwattaami jém inyoxacuy juuts inquyoxap jém tánQmi Cristo y dá juuts jém pìxiñtam. <sup>8</sup>Porque inñodontam iga títam tanwatpa yíp naxyucmi tawiyojpa jém tánQmi Cristo siiga tanwíwatne siiga taesclavo o dá taje.

<sup>9</sup>Mimichám miomipic, wíwadaytaamiñim jém inesclavo. Odoy otjimaayi iga inçótspa. Jístaami iga inçuístictam minjacpa tánQmi jém itwiip sinyucmi. Je iixpa ítumpiy pìxiñtam jextim.

#### Jutsap tanánata con jém malopic enemigoyaj

<sup>10</sup>Siip, mantíwítam, naíftaami jém tánQmi ipimi porque je tsam



wīap y michiiba jém p̄imi iga tsam miwiap̄im. <sup>11</sup>Nacupujtaji con jém armadura jém michiinēwīip Dios iga odoy iñchaguiñ jém Dios iñmāti cuando mimigóyápa jém Woccīwiñ. <sup>12</sup>Porque da s̄ip tanáñata con ȳip naxyucmipic pixiñtam jém maayiywīip jém pagiywīip. Tanáñatámpa jém Woccīwiñ jém iniitwīip ip̄imi con itump̄iy jém mal espíritu jém malopic anjagooyi jém itwīip jém piichcīim. Tanáñatámpa jém mal espíritu injagooyiyaj jém siipáppic sauyucmi. <sup>13</sup>Jeeyucmi pictaami itump̄iy jém armadura jém Diospic tachiinē iga wīaiñ iñyaachiyta cuando micutit̄stap jém malopic jama. Cuando yajum miw̄itsacta, seguido cánteñi, cup̄ici Dios iñmāti. <sup>14</sup>Jesic micámteñe. P̄ici jém numapic añmāti juuts t̄um soldado ichencámpa jém icinturón. Siempre micupujpa siiga iñwīwatpa juuts t̄um soldado iccámpa jém icoraza. Jesic jém enemigo da wīap mimalwadáy. <sup>15</sup>Accámnei iñciac impuyucmi iga miit̄ listo iga iniñmatpa jém wibic añmāti. <sup>16</sup>Naí̄ti jém fe juuts t̄um escudo, jesic wīap inicpich jém Woccīwiñ icapi jém juctīiywīip. <sup>17</sup>Accaami jém casco iga miciaçputpa Dios juuts t̄um casco icupujápa jém soldado icobac. P̄ici jém espada jém tachiinēwīip jém Dios iñmāti. Jém espada je jém Dios iñmāti.

<sup>18</sup>Odooy tsaci iga iniñwejpátpa Dios juuts miñquejáy jém Dios iñnama. Cunucsaayi Dios, wágaayi t̄itam miñfogóyáy. Iñtaami al tanto, odoy añaaci iñanamañjom. Añwejpaati Dios para itump̄iy jém Dios ipixiñtam. <sup>19</sup>Añwejpaatit̄im Dios para aich iga achiiñ añmāti iga wīap anañmat iga odoy aciñiñ iga anacjodónayajpa jém pixiñtam jém wibic añmāti jém añnécnéwīip id̄ic. <sup>20</sup>Ich ats̄y juuts t̄um embajador de jém wibic añmāti. Jeeyucmi atsenneta con cadena. Añwejpáttaami Dios para ich iga odoy aciñiñ y wīap anañmat jém wibic añmāti.

#### Jém Pablo inquímpa jém iamigoyaj

<sup>21</sup>Siip mañcutsadápa jém Tíquico, jém tant̄wīi jém tsampic antoypa. Je da ichacpa iga iñmatpa jém tánQmi inquímayooyi. Micjodónap̄ ti annasca y ti s̄ip añwat. <sup>22</sup>Jeeyucmi mañcutsadáy jém Tíquico iga inñjodónaiñ jutsane án̄iti, iga miyoxpádiñ iga odoy miñyáctamiñ.

<sup>23</sup>Siip mant̄iwitam, tanJatuj Dios con tánQmi Jesucristo michiñ jém paz, jém wibic tóyooyi y jém wibic j̄ixi iga seguido inçupictámpa Dios. <sup>24</sup>Dios iw̄iwadáyñ itump̄iy jém pixiñtam jém itoyyajpáppic jém tánQmi Jesucristo jém ñapic nunca ichacyajpa. Jemum cuyaj.